


0  
1cm  
2  
3  
4  
5  
6  
7  
8  
9  
10  
11  
12  
13  
14  
15  
16  
17  
18  
19  
20  
21  
22  
23  
24  
25  
26  
27  
28



浙江圖書館



浙江圖書館



浙江圖書館



浙江圖書館

皇明名臣琬琰錄卷之十五



左布政使王公墓誌銘

左布政使李公墓誌銘

左布政使張公墓誌銘

左布政使

左布政使陳公神道碑

布政使劉公墓碑銘


平思忠傳

張勉夫傳

浙江圖書館

王世貞

續編



許宗魯

侯一元

邵寶

蘇伯衡

浙江圖書館

李邦傑傳

吳孟仁傳

左參政林公墓誌銘

右參政陳君墓誌銘

左參政劉公墓誌銘

右參政陸公墓誌銘

左參政樊公墓誌銘

參政陸公傳

右參政祝公神道碑

張參政行狀

浙江圖書館

楊士奇

楊士奇

陳頎

李東陽

陳敏政

吳寬

黃雲

右參政式齋陸公墓誌銘

吳寬

左參政姜公墓誌銘

左參政張公墓誌銘

王九思

左參政黃公墓誌銘

黃衷

右參政崔公墓誌銘

石崖熊公墓誌銘

浙江圖書館

珍  
玉  
金



浙 江 圖 書 館



明故通奉大夫雲南左布政使王公墓誌銘

吾眷友南湖王公卒且葬既閱歲予始得銘其墓非漫弗  
為弗忍也公之女與予子天麟為姻好乃誼甚篤前年公  
以廣東布政來京師會晤才兩月尋調雲南別去再逾年  
公計且至矣於乎尚忍銘公之墓哉然其子蒲屢以書來  
請則又安忍弗銘哉公諱俊民字用章號南湖其先石首  
武侯轄人始祖勝反生添禮添禮生聰四川廣安州州判  
始徙荊州府城家焉聰生翔東阿驛驛丞配楊氏實生公  
生驛舍爰鍾秀穎竊不凡既長機神警朗書初讀輒能  
舉其要治易善屬文迥然出諸生中止德丁卯中湖廣鄰

試甲戌登進士第乃妹氏為衡陽王妃制不得為京官乃  
銓授蒲州知州公下車課農桑緩刑罰修學宮甫三載  
而士民德之州用大治當路者文章旌保擢大名府同知  
當行民遮道留不獲爭脫其履以去并肖像事之大名境  
廣政劇公才敏而勤時任都憲原孝為守後至郡即自慶  
得賢二身倚重焉凡重務鉅獄必以托公公二裁決有巨  
璫家故居城中恬勢侵占人地宅公一切奪還之又勾考  
戎籍无隱弊郡人稱平撫按表其治行于廟居無幾陞福  
連僉事兵備汀漳汀漳道連三省多盜且每訟必牽引數  
千人經年未結公至即理滯平寃庭无留案時閱中叛卒

糾平民為漳南巨患公設策分布民兵往捕并其黨擒之  
地方獲安秩滿擢廣東左叅議時田州土官岑猛煽亂  
朝廷命出師公冒險觸瘴督糧餉以給軍士賊平振旅還  
撫按上其功賜綵幣楮錙者再時以入賀 萬壽至京轉  
山西副使後改福建巡海副使過家方就道徂任聞楊夫  
人棄養亟奔歸含塋極情禮諸咸謂孝攸感云服闋補  
河南副使兵備大名大名舊治士民間其再至矐甚比至  
諏訪民瘼飭戾兵伍如在漳南時未幾轉廣西右叅政尋  
陞廣東按察使乃慎刑法弊姦罔所宿名赫々起轉本省  
右布政愈益展心力得承宣體會鄉試諸生提調科場有

條理甲午冬入覲 京師先是部使者欲誣入人罪公與  
論齟齬部使者銜之竟為陰中乃調公雲南雲南遠在萬  
里公至清崇牘勤听斷群吏斂手會宮上營營有詔徵滇產  
黃金丹青甚亟公移文督派恐民受擾每就中必寬假雖  
見忤使者亦不顧安南構亂時議欲討平乃區畫兵食日  
懷憂隱會有驅兵民轉餉者地方洵自危一日閱士轅  
門軍衆鼓譟露刃欲為變群相視錯愕莫知所為公徐呼  
使前諭以利害皆感泣聽命毋敢譁者而亂隨以定時方  
賴其有為忽構疾竟弗起時嘉靖戊戌四月十有三日也  
公平生耻奔逐雖坐戚畹外補然至是公姊氏逝久且乏

得卒先逝

嗣制得无動或勸其陳請公曰某若是是干進也竟不聽  
後雲南巡撫官疏其事為請奏可覆勸且至當道擬將柄  
用而公逝矣又竟緣是竟不得沾一命以推所先其憂懣  
成疾亦坐此云卒之日吏兵民無不悲號若失恬恃可以  
考其惠政美事毋楊氏夫人孝每在官必迎以就養性亮  
直練習文法蒞政詳謹雖事端紛錯從容應之皆中肯綮  
事集又不矜功代處僚友恭巽所在交承稱不絕口及聞  
公訃慨嘆至有泣下者雖久官家无他齷齪論者謂廉介居  
子云公生成化庚子八月二十六日得春秋五十有九元  
配蕭氏繼趙氏賀氏蕭趙先公卒側室秦氏鄭氏子男二

長蒲趙出縣學生器識可遠到娶許都指揮女次汀早卒  
女二長適即予子天麟官生次雲女銘曰

南紀之野大江之衝廼生喆人脩髯偉躬於惟厥先代有  
隆澤公始昭宣爰邁乃迹乃擢甲科乃典民牧民之賴之  
曰撫曰鞠父母去我我有懷思至今于公尸而祝之治行  
弭彰貳乃畿郡旋陟僉臺赫其聲聞理冤弭盜人賴以安  
于藩于臬敵爾有官滇南改藩疇尼疇使曷怨曷尤我心  
永矢單騎往赴萬里遐荒剗繁解劇摧奸庇良演武之場  
兵士梟獍公呼吸間亂隨以定胡不朝籍曰有畹親且將  
昭釋忽爾沉淪天予之才復嗇其齒縶典未霑命也嗚呼

厥有良胤不亾者存我銘其藏永示弗諼



浙江圖書館



浙 江 圖 書 館



大明故通奉大夫正治鄉雲南等處承宣布政使司

左布政李公墓誌銘

公姓李諱芳字本春別號一菴青之諸城人五世祖諱君  
寶者任融州路檢使因家融曾大父敬顯大父伯高父子  
贊悉雲德霧隱公生天資穎悟少即莊重老成曾大父大  
父咸曰此子博九萬里啖八百里氣局也可使許國遂遣  
入邑庠踔奮騰飛刺無前未弱冠正統甲子秋闈發解父  
以公充醞物理未滂留溫舊學展拓益宏歷戊辰至景泰  
辛未會試俱逐北雖州博專席力辭不就甲戌登進士第  
明年拜知湖廣夷陵州夷陵遠在江湘上游民貧而黠間

或舞奸刺政公廉正自持不猛不窳翔約之垂潛翼之泳  
壬良有方民皆挾纊州守禦千兵恃內援蠹民公䟽其不  
法於

朝卒正其罪凡戴鶻冠者無不縮頭有中使至暴橫衆莫  
敢近公從容款制卒不為害以州人少知孝慕常衮之教  
閩文翁之化蜀乃多選里中之秀入州季又於州之後堂  
構屋數楹擇稍懸流行者躬自為師凡教導作興法周悉  
綜密壬午科遂有褒然高掇者風俗一變天荒遂破比滿  
夷陵之民相率赴

闕借寇一年成化丙戌始考績至京時巡撫都憲王

公少許可惟雅敬公先與巡按藩臬諸公以公罄職疊加  
旌異至是復䟽公能於

朝擢貴州布政司右叅議仍授

館

誥命封父同公前官母妻皆為宜人丁亥蜀西都掌獠邊  
上命大司馬程公襄城伯李公率師征勦地介川貴之間  
山嶺插天箐深崖險拏扇攫趾饋運惟艱程公詢於衆以  
公為才俾專其事公不憚鞠勤精神舖路幹峻為夷負擔  
絡繹士馬足食大功告成拜雙金織綵段表裏之  
賜在士六年丁外艱繼丁內艱起復任江西仍前官奉  
勅提督糧儲公不棘不徐不緩其賦不病於民歲正告凶

勞來賑濟全活甚衆一藩公卿大夫士賢之者無間言九  
戴考績陞東廣左叅政今致政大司寇莆田彭公天台陳  
公皆一時人望相繼為方伯與公一德相濟天與勺葉丁  
未當道薦遷滇南右布政使未幾轉左專政大藩寬厚鎮  
靜得旬宣大體民夷悅服三閩寒暑中丞之擢不遠伊邇  
公以老病侵加嘆曰古人云留有餘不足之祿以還  
朝廷子孫其享之乎屢上疏乞骸骨優

詔許焉初公乞歸時

太子太傅黔國沐公暨巡撫巡按藩臬諸公固留不聽至  
是相率賦詩以贈設祖金馬碧鷄之闕輿馬如雲光輝載

道人以為榮抵家數載日徜徉山水以自娛四郊多壘暫  
僦居於城不意舊疾作遂卒生於洪熙元年九月廿有八  
日卒於弘治五年八月廿有七日春秋六十有八以歿之  
年 月廿六日塋於盧灣崖頭之原巽山乾向配施氏封  
宜人先卒子男五人長曰序成化壬辰科進士清廟重器  
不幸蚤世次曰康義官次曰庶邑庠廩膳生次曰庶丙午  
鄉貢進士皆施出曰庭蕪出女五人孫男七人曰鑄己酉  
領鄉薦曰鐸食廩邑庠曰鎰曰鑄曰錮曰金曰鍵公孝友  
天威惟清惟慎終身依憑立身行己步循尺寸衣有文子  
裘居無張老之室訓戒子孫脩德讀書之言不絕於口為

詩文語多渾厚不事雕琢有一卷稿若干卷藏于家予分  
教泰和時公時為江右少叅與予好也八則分庭抗禮出  
則携手餞送蓋待予以賓友而非屬吏也公屢遷大藩予  
亦浮沈州縣欲一寄聲問安而無便翼聞公之卒泫然者  
再豈意調郡至公邑得拜公遺像而銘公之墓耶嗚呼是  
非偶然者矣公子廡 血述公行實求予銘予為叙其大  
畧以待他日太史氏採擇復為之銘銘曰

惟公嶷嶷奮先決起秋闈得雋門擢掌覓指圖南少劫旋  
飛刺天肯琢魄旄小為桶椽蜀首一州奄然出守包凍  
日裘掃弊風箒遷官貴藩邊鄙雲詭爰輸軍餽孰呼

庚癸始由少參旋至方伯四陟名藩庸著丕績寵命優  
渥榮身及新餘祿振振以遺後人天之所報偵人所施千  
古一日有此銘詩

浙江圖書館

浙江  
書局



浙 江 圖 書 館



中奉大夫山西等處承宣布政使司左布政使蒲山張

公墓志銘

文全

西京許宗魯撰

嘉靖己酉十一月六日山西左布政使蒲山張公卒于家

逆數其生成化丙午某月某日得壽六十又四其子先封

卜以明年庚戌十月二十四日葬公于居東大山之陽先

以其<sup>事</sup>姻友刑部郎中中部劉君仕狀行請銘狀載公源出

山西五臺縣後遷介休縣再遷河南靈寶縣元末諱善者

始遷陝西洛川縣善生巖巖生福福生封文林郎兵馬副

指揮貴貴生山西保德州知州郁郁配贈太宜人緱氏生

義宦文翼繼配封太宜人任氏生公及典膳文璧主簿文獻

武學生文衡公行居二諱文奎字應光蒲山其別號也生有至性聰敏過人而篤信力行不事華飾始受學于鄉之孫先生年十二能文章邃菴楊公督學試補縣孝生員歷試學臺皆列首選正德丙子以詩經舉于鄉明年丁丑舉進士試政吏部已卯授刑部廣東司主事無何丁外艰嘉靖甲申服闋復除江西司丙戌晉貴州司署員外郎其在部署躬勤聽斷據法原情不撓權勢不侮寡弱稱明允焉其年陞四川按察司僉事先時芒部弗賓叛服無常公理其事親涉夷境諭以革流復土事由夷民歸化時蜀地屢飢振施惟殷乃遍履荒遐若涓若貴至皆身三不以難苦

避遜適有貴宦謫居行頗不法公繩約以憲畧不假借致  
有流言以蔽其賢己丑考察量移山西按察司督理屯田  
是年始受主事考績之封保德公秩崇從本階緱任從夫  
階 誥贈封俱宜人公與厥配王受 勅命王封安人云  
時叅將某違例占種人不敢誥公按劾不貸屯政就理尋  
以賢能膺薦再奉 璽書飭兵石隰武備聿修癸巳考晉  
四川布政司右叅議是時向所繩者適撫其地公援例疏  
請迴避曰有論辯詔命所司停勘公乃蹙歸田里即浩然  
自休構亭教授曰吾當為蒲櫛山人矣丙申事白奏上左  
迂一級丁酉添註直隸廬州府同知往添註官多不事事

公力政不怠墾荒復逋郡乃大治戊戌晉湖廣按察司僉  
事督理江防己亥上南巡興都公職除道建航供備行  
宮所事克舉上賚其勩賜衣二襲白金三錠是歲

章聖皇太后祔塋顯陵公護梓宮自刘家隔抵石城驛川  
途無警奠獻如制乃又以法檢束從官往來道途事集而  
民不擾使者以聞復賚衣一襲白金二錠庚子晉江西按  
察司副使職清軍伍兼理驛傳公按籍稽勾酌宜裁省二  
政允修若其發指揮羅某之奸息妖人易盛之亂尤為顯  
勩壬寅晉四川布政司叅政癸卯入蜀視事乃葺州縣庫  
後之供應罷西路夫役之輸銀催科撫字寓仁于政民愛

畏焉某年晉江西按察司按察使江西為南方之大省宿  
號難理先政在民民見公至欣迎載道公持守不阿貞肅  
有道憲度改觀是歲受 誥命封公某官封妻某人未幾

晉山西布政司左布政使歷官既久廉節愈厲惟攜二童  
侍行俸金亦以貯庫大革加耗裁損公費覆露廣遍晉省  
以寧然以不通請謁不事逢迎久居不遷丁未以內艰西  
歸居憂讀禮無愆孝思至是卒卒之先數日夢乘白馬而  
行又夢雪中輓紼覓語其子曰日且大雪吾其死夫已而  
果雪沐浴正冠奄然逝矣公性沈毅而慈仁任事不退待  
物不刻故論者謂其有仁者之勇然志存經濟不鈞樞談

治道者惜之晚年好神仙服食修煉自謂有得恒以仙官  
自况公退燕居凝神內照泊如也往歲予卧病公自蜀中  
寄致黃庭經一帙副以手書云吾誦此經大有神驗子能  
持誦萬過諸病可蠲回致長生之道予心信而感之謂公  
能是道也而竟止此其故何邪然乘馬雨雪之祥自刻反  
歸之期殆亦有所得已公配王氏香老景女累封某人子  
即克封縣李生員女二李彤王士俊其壻俱為生員克封  
生二女俱幼銘曰壯志用世不徇乎人老期度世不滯乎  
真曰馬翰如雨雪零、可求者跡獨契者神蒲擲之山灵  
跡著聞至人不死光耀斯存琅琅黃庭玄章玉文長詠歸

來乘彼白雲



浙江圖書館



浙江圖書館



廣西布政使許公墓誌銘

應春

侯一元撰

嘉靖乙丑茗山許公卒噫鉅人歿矣我明述作於是焉寄  
井冽鼎膏亦既云食忽而幕焉弗及玉鉉命也夫搜獵墳  
典淳濬自出而弗獲典司綸綽著之昂石明練政理志享  
人也而弗獲身都將相繫奠社稷馮翼孝德棊恭允寒而  
弗獲正容造膝培輔袞職公該三不朽聲施無窮與天壤  
終哉而知公者猶以密雲不施吾道窮也悲夫公諱應元  
字子春生而絕敏數歲日誦數百言為諸老先生所賞異  
年十五為博士弟子二十而舉嘉靖乙酉鄉試己丑赴試

春官太史倫公以訓奇其文歆寘高列爭之主試不能得  
 志曰籍第落之異日以冠多士耳壬辰舉進士倫公復品  
 之曰西京之文也當選庶吉士執政者知公歆一見公不  
 往曰吾始仕也而當偃倭昂貴之門肩謁干進哉坐是竟  
 不得入翰林出知泰安州然應制諸詩籍籍傳矣吏部李  
 公開先見之亟嗟服為盛唐雅調焉州故敝士久不舉公  
 至則闢泰山書院簡才士濯磨教之士遂連舉文風大振  
 有豪右觸死法賂權貴人以請公不為撓斃竟之廡白自  
 持苞苴斷絕減節民力不以媚上嘗有史僉事者怒其簡  
 薄粹寮吏歆答之公從容進曰饋之不豐知州罪也請貸

寮吏僉事不顧公出即投劾自免於是撫按交慰留公而  
僉事亦內愧去無何以能理劇復調泰州治如泰安秦人  
有張御史者陰驚常徂伺持吏短長橫州中公至與直絕  
既伺無所得即懼伏不敢翫法居一年所丁父平厓公之  
憂以歸服竟擢工部都水員外郎是時江西夏相國者幸  
於上詔工部遣官作治其父墓而夏欲得名士即陰推部  
疏以公徃非甚志也然職事不得辭使徃且二年益持廉  
正非公事不交相君相君心敬之事竣欲轉公太僕少卿  
公聞堅辭又欲使為江西提學又辭其轉為虞衡郎中也  
董鑄錢治廬甲日與中貴人從事而公端凝自持未嘗與

交私語中貴人亦莫不敬公者建歲甲辰則公為郎六載  
矣乃遷夔州府知府夔者楚蜀孔道交夷漢集兵民民罷  
事蜩蛄難治公馴以廉靖馭以平典時并其桀黠者法之  
郡以蘇息日勸學敦士暇則來三閭大夫杜工部故蹟為  
祠祀之吊古嘯咏篇什流傳以儒飾吏彬如也而夔之治  
遂為一道最己酉擢四川按察副使甫上而值執政者新  
用事求故相所厚簡之而公素不交執政則以為故相所  
正人也為抗言于朝曰夫許子為郎久之乃出為遠郡又  
厚也又有前使事即喉言者彈公御史大夫屠公僑者剽  
久之乃遷即不考其行能也且若此者而猶謂之干進耶

於是素履愈白然猶調為廣西副使兼撫夷夷侵蝕郡縣  
父公患之為上三議曰責田主嚴罰格更旗軍大略主守  
隘護田者扼夷奪之食犢牙犒童使自屈而已事皆施用  
已又攝兵府江誅巨獐三焉巨獐者莫氏兄弟凡三人以  
雄勇名兩粵間往數歲嘗大嘯聚破城殺吏討之漏刃去  
前兵備以獲報而罷兵及是則復出猖甚公懲前事計必  
得因設方略陰却勒購土人決旬而三兇授首江道底寧  
督府將上其功公念事聞前兵備且得罪迺力沮不復上  
聞者蓋莫不多公間治獄有觸法當遠戍者而人甚衆公  
弟適其一二人餘悉末減御史則欲盡適之公曰法如是

是矣且戍者皆當發閭左護其行本以懲奸也而甚病民  
不可凡公之措意弘厚類是也己卯遷遼東苑馬寺卿又  
孳孳條牧政八事明年轉為雲南布政司叅政未上而奔  
太宜人之喪己未起補福建時倭夷整居縱掠諸將守便  
宜趨趨不戰且久公至則慷慨募食厲兵以寡擊衆遂大  
破賊多首虜功而公終守正不以私於當事者事上亦竟  
不錄也然公去閩半歲間則後守者隳敗賊遂入興化塗  
地矣壬戌為雲南按察使明年從今官所在有績廣西父  
老迎公蓋欣喜而泣也欣然公再歷瘴鄉憂民惕夷貌亦  
侵尋為之弊矣余嘗以戒公甲子同覲京師數相問無恙

明年余先至江右除道遲公恠其久不至豈謂長逝哉公  
之生正德丙寅正月廿八日得年僅六十甲子適周也悲  
夫蓋許氏世仁至平厓公尤好施公常先意承志賑人之  
急父歿奉遺教事仲父如父事姑如母昏嫁其從父昆弟  
又旁及其母氏之舅若女弟鍾公鄭媪凡窶貧者皆以公  
為歸其教弟石屋君叔夏也甚愛而嚴石屋君天穎舉世  
無與讓余嘗與品文至公則動容變色歛然自以不才弟  
也蓋伯氏而若嚴君云石屋君失偶遺其女公則使室人  
撫之已又厚嫁之雅念水木每道東安省封樹過存其宗  
人乃携其子弟至錢塘教之成業乃去其醇德至行甚備

宛然萬石家法也而推本皆自平厓公所著曰水部稿曰  
隋堂稿所撰次曰春秋內傳列國語曰史記抄曰漢語今若  
千卷世嘗言文士歎行而推魯者亦少文及讀公所著書  
雄深雅贍遷固無以加也醇識通猷則有肩于董賈其叙  
義烈苦言至意讀之常使人涕焉以彼質行而文乃若此  
豈所謂弼中彪外者耶敬亭陳公之稱公曰文行具美亶  
然哉或曰許公行仁厚天所佑恂恂不以其能先人人所  
聃而仕顧久不進亦不大壽何也蓋公文詞絕世而不肯  
為貴勢後自前後相國鱗萃天下之士雅頌洋洋而來之  
公文卒亡有也亦知公笑彼豈能無心愠哉至言天之故



則其所盛羨而斬秘者尤莫如文詞故李杜輒軻勃賀天  
闕齒角翼足之理然也馴斯以觀公位岳伯而年下壽其  
亦天之喜貸也已悲夫公一娶徐氏贈人<sub>宜</sub>生子長豫郡學  
生才行肖公者也再娶包氏封宜人生子次紆三娶張氏  
生少仔其媵生季序子凡四人銘曰被爾雲裳佩爾玉璜  
玄黃柔剛以行四方有采煌煌朱虎以降青牛逝矣紫雲  
其藏有斧有堂為嶽為光言旋言歸于帝之傍

浙

浙江圖書館



浙江圖書館

江西左布政使致仕陳公神道碑銘 策

邵寶

公既致江西政歸之五月以疾終于正寢其子金等先嘗  
為公卜壽藏于邑揚名鄉漆塘山之原遂以其年十二月  
某日葬焉惟著令神道有碑則以狀來請文予與公同里  
聞仕同為戶部屬相知為深義不得辭公諱策字嘉言別  
號蓉湖世為無錫人曾祖壽益祖友文皆歛德而隱父野  
葵翁遜慷慨直諒好讀史傳有古烈士風以公貴 累贈  
奉直大夫戶部員外郎子五人公其仲也幼有異質讀書  
驟進然性鯁介不能同人遂以布衣應試翁卒後長兄榮

有宿負讓居室於公公為代償不足復益之人曰義哉而  
難其貧則應之曰吾不能筆耕矣乎於是請業修贖者日  
衆以所入供其母王太宜人弘治己酉領鄉薦癸丑登進  
士授戶部主事進員外郎郎中擢知江西饒州府越四年  
調浙江嚴州擢福建左叅政迨擢江西左布政使凡在官  
若干年公為主事監通州倉有中貴撓法抗言不避繼監  
徐州倉法更振肅為郎中時三邊弗靖軍費浩繁公以敏  
練承檄徃江浙廣東三大藩督其逋公訪寃豐凶及侵蠹  
主名微施通融之法不朞月而足又處其網解如法蓋凡  
若干萬皆濟邊乏陝西告急朝命侍郎顧公徃備兵食

公從焉。顧公與公咨議相可否。比至長安，執其要而御之。不數日，芻糧漸積，將士增氣，虜乃北走，不敢渡河。於是聞太宜人之喪而還。袁戚以治逆瑾，以微青逮公，未幾事白。公至饒州姚源洞，寇與官軍相持五年矣。公廉得其情，新其約束，罷行，唯便縱濫繫者若干人，乃單騎入寇巢，諭以逆順禍福。降之後，公朝正去郡，洞寇復作。朝廷方發兵南下，公適還，先驅入犁壁山營而居。夜忽大驚，士皆甲而譁。公臥不起，頃之稍定，連戰數日，寇敗散去。公以洞僻且遠，奏請置萬年縣，自是不復叛政。暇修郡志，志外有搜訪名勝為詩咏之。凡若干首。內翰陸先生深見之，曰：此非古觀。

風遺意乎公之調嚴也蓋以姚源復叛追咎撫故抑其功  
然德在郡民其行也與王梅溪徒夔故事斷虹橋遮留之  
嚴屬地有銀鑛矣則相攻公謂爭利殺人非生財道也令  
封之其所為政務持大體不屑細瑣感今弔古有餘懷焉  
其大者登富春山修子陵之祠祠有希范堂賦蓋九閱月  
而福建之命至至矣時汀漳寇方熾鎮巡舉公徃征之道  
經同安巨寇蘇世浩勢尤猖獗公首降之遂携焉以臨汀  
漳汀漳氣奪榜到之日先降者爭出見公因撫而諭之曰  
吾欲返爾田宅親戚爾顧欲肉餵鴟鴞乎衆皆稽首曰公  
推赤心人腹非昔御我詐者比此固我命盡日也敢以死

請公皆遣之汀漳按堵如故省城軍士有因前政給糧踰  
暮而唱譁如叛狀者建官里居者三人出而沮之未信曰  
必得陳叅政榜文公虞反側未即給也惟以利啗其黨而  
渙之渠魁旣得餘悉弗問省城無恙公以民苦急徵軍樂  
早支亂是之由乃疏請歲留餘銀九萬兩以為倉卒小警  
軍餉之備時紀功者尚斬獲公之功乃不上達不平者徃  
徃鳴之賦咏公泊如也旣而論功僅加俸一級遂遷江西  
左布政使公至之初宸濠雖就檻車而武事猶未戢公旣  
渙群黨之逸者乃警城墉籍府庫惟謹復以地方凋弊特  
甚請給銀數十萬兩賑其餘民已卯廢科士有滯才之嘆

請壬午倍額取之 藩府諸祀壇无主請屬之布政司凡  
三䟽皆見施行鼎建鼓樓於司之東改宸濠所建陽春書  
院為貞院 聖母北上州經九江公往迎之需无闕者及  
壬午場屋事畢自顧疲憊乃馳奏曰臣備員方岳行年六  
十復值衰疾失令不去妨病之罪曷能逃之䟽上吏部請  
從致仕之例公既得 命浩然南歸終日默坐家人侍側  
唯見風髯蕭然而已公在部在郡凡三被賞賞必感嘆曰  
吾何以稱 上德其監徐而還憫兄之二子貧各為之室  
與產平居推誠任真不立崖岸及當大事酬撫周密動中  
機會雅好吟咏李文正吳文定儲文懿諸公皆盛獎之而



程文允長閩江二省試所刻文公皆喫筆削焉所著有某  
藁若干卷公卒嘉靖癸未六月八日距其生天順戊寅六  
月十三日享春秋六十有六配宜人范氏有子三人長即  
金次變次鏊女子二人張渭華治安其壻也孫男五人士  
魁士元士清士洪聘皆名族女孫六人許嫁亦名族詳具  
山東參政俞君國昌所為誌銘曰虞牧十二周伯維九子  
我天民紀綱群后令之布政宣化承流仰若古代前虞後  
周擘々陳公其才孔碩有德以將喫々翼々即署十年繼  
守兩郡兵荒荐臻公靖以訓乃恭閩省左轄于洪長揖悍  
帥閭臬生風大慝既除與物更始閩有友婚室有婦子歲

月遷叙可省可臺公曰倦矣遂乞歸來湖上有田有水有  
山胡不少留笑歌其間爰卜壽藏遂營以葬隧道有碑旣  
窈且壯謂我公友爰請我詞我徵公行刻此銘詩

明中奉大夫江西布政使司左布政使天目

徐公墓碑

王

徐公諱中行字子與徐所愛姓具韓愈所造偃王廟碑中  
其系鳳陽人也洪武中建五公者坐徙江南之長興遂為  
長興人進五生亨六亨六生農隱有子五人而最少者為  
封刑部公某刑部公以儒行顯閭黨間發許安人善女紅  
有子三人而最少者為公公生穎警十數歲即能為舉子

江西等處承宣布政使司右叅政青田劉公墓

眉山蘇伯衡撰



皇明有左命勲臣曰誠意伯劉公既薨上嘉念其功不真  
洪武十年秋遂以承務郎考功監丞官其子孟藻後一月  
兼試監察御史後二月起拜江西等處承宣布政司使右  
叅政未三年竟薨于位十二年六月三十日也年三十有  
二上聞之嗟悼不已勅有司護喪反其里親為祭文命國  
子生陸居敬致奠其子薦第卜地里西石門巔董田之原  
以是年十一月六日薦焉既而使來屬伯衡銘其墓上之  
碑按孟藻姓劉氏諱璉字則孟藻也慶州青田縣人曾祖

諱庭槐皇贈中奉大夫中書叅知政事護軍祖諱燾皇贈  
資善大夫御史中丞上護軍竝追封永嘉郡公考墓御史  
中丞兼弘文館學士太子贊善大夫加開國翊運守政文  
臣資善大夫護軍封誠意伯魯祖妣梁氏祖妣富氏竝追  
封永嘉郡夫人妣富氏封永嘉郡夫人娶陳氏子男二人  
長鷹次虎女一人適麗水陳仔孟藻生數歲授以書二三  
過輒能諳誦後終不忘年十餘為文辭立就竒氣爍爍紙  
上其師覽之有愧色孟藻器局凝重而職慮宏遠誠意伯  
之留輦下也孟藻內事母睦宗姍外應門戶撫鄉里無一  
不中度於時永嘉為方氏所處鄉之郡無賴子煽於方氏

將相挺爲變孟藻出其不意先其未發一夕撲滅之無得  
脫者而闔境遂以奠枕其年

誠意伯以聞上曰

非卿焉有是子誠意伯之得請歸老于家也遣孟藻上表  
謝恩召至榻前與吾上爲傾聽而任用之意昉於斯矣其  
年復進平蜀頌入見武樓下內出所製穎川傳友德等文  
俾持歸示誠意伯別撰進入自誠意伯家居孟藻將命朝  
謁無慮八九至至輒燕見上見其進止安雅占對明敏未  
嘗不以為賢而極爲皇太子所重初誠意伯請於上曰甌  
閩之交有地曰談洋僻絕而崑險戎卒逋逃淵藪也愚臣  
徃徃燿聚為姦利樹巡檢其地庶幾人知顧忌可其請執

政胡惟庸當國以不閔白恨甚及具封事言郡縣豪猾吏  
孟藻上之又不先通執政執政愈益恨適有旨逮豪猾吏  
乃誅使誣誠意伯非法而刑部尚書吳雲等承執政風旨  
坐孟藻賴上其父子深故免誠意伯薨之又明年夏監察  
御史李鐸以上旨來取其觀象玩占諸書孟藻卽日出書  
石室中橐從李御史赴闕奏曰臣先臣基臨終屬臣以書  
戒之曰慎勿泄也喪葬事畢其上之臣未及上重煩使者  
來取臣罪萬死今悉送官矣唯陛下哀矜上慰諭之曰忠  
孝哉其留服事朕孟藻頓首乞賜歸持服賜寶鈔三十貫  
遣之皇太子召賜食加賜伍十貫秋七月服甫除而考功

丞之命下考核平亭時譽翕然上猶以爲散地兼試監察  
御史風裁凜凜眷遇尤篤陪祀圓立被旨進勺無違禮者  
縉紳多之明日圓立署丞進瑞粟特詔孟藻與通政魯秉  
政作歌獨孟藻所作稱旨未幾除叅政出蒞江西進階中  
奉大夫同日除官四百餘人上諭衆曰劉璉勲臣子藻心  
正大居家奉法歷官著效故委以重任也顯有異績且入  
中書矣衆乃始知上於孟藻用之速由知之至而孟藻益  
感激報稱其江西也同官韓士原貪而苛立本儉和而不  
知體孟藻一以忠信介直自處臨事決議不為俯仰雖出  
語侵之不變一號一令忖度利病便不便而凌從違造城

磚厲民更其要約而倒懸以解督運吉安布粟兼收而公  
私相便淹禁囚徒充斥窮日夜之力䟽理而囹圄以空此  
尤見褒賞於朝廷者也以此專使來錫監丞叅政命書方  
屬意大用之而孟藻憤立本專致疾奄至大故庸非民之  
無祿而天奪之乎薨之日君子以其方嚮用而遽沒降年  
又不永咸涕泣盡傷焉伯衡竊推劉氏先世之績累至誠  
意伯而始發篤而忠貞奮其材猷上結主知濟美先公生  
膺峻擢死蒙異數是豈惟當世賢能後世聞其風未有不  
歆慕其忠孝者也然則其材雖才盡用其志則大行其命  
雖短而其名也長孟藻復何憾於斯哉今伯衡以朋友執



筆為銘詛也烏得而讓之銘曰聖皇龍興豪傑雲從運籌  
帷幄偉哉劉公令德不墮有君為子繼武而作為天子使  
君鍾粹羨強記絕倫不煩師教肆筆成文爰自弱冠善謀  
善斷不動聲色制亂將變事聞當宁當宁曰嗟允矣肖子  
宜其克家公雖退休心乎宸黻上表章君則奔走闕門我  
我出入不何侍干燕間家人莫過上公通侯罔不恭敬曰  
父名臣宜子之今柄臣憾公獨不已親因事返噬遷怒於  
君巧詆深文異罔天聽君免于辜皇仁且聖求公遺書詔  
便臨門迺橐獻午帝閭皇欲用君君乞終制俞俞其請矣  
申錫楮幣祥琴既御趨而造朝榮以好爵曾不崇朝第宅

鞍馬以莫不賚其官再遷首尾三載君在考功有陟必明  
君試御史無回不貞殿彼大藩豈無方不徃叅厥政微君  
孰托有兵有民有錢有糧有獄有訟有紀有綱晝思夕惟  
不遑啟處何利不興何害不公去害興利民罔時恫頌聲  
洋洋達于九重命書來錫昭示崇獎使者言還君已長徃  
命難謀斯而止乎茲不秉事樞以究厥施年與材遺皇用  
慨嘆遣文祭之親御宸翰恩禮優渥終始哀榮君又奚恨  
雖死猶生輝映前人慶延後嗣銘以傳信作者太使

平思忠傳

平思忠吳江人初為縣小吏永樂中被薦授禮部主客司  
主事進郎中時 文皇方事招懷主客務方殷思忠有精  
力事皆立辦尚書呂震特器之俄以事下獄北虜入貢他  
任主客者多不稱旨震因以思忠為言即日赦復其官時  
以給事中楊弘為陝西布政使清強有力者伺察之遂  
拜思忠陝西叅政未幾為人所誣謫戍北邊會有 詔市  
馬西域以思忠嘗官主客多識賈胡 詔釋其戍給冠帶  
隨太監劉馬兒使吐藩諸國而還後卒於家初郡守况鍾  
官主客與思忠有交承之分至是數延見思忠執禮甚恭

且令二子給侍曰非無僕隸欲使兒輩知公為吾故人耳  
其見敬如此然思忠居貧自守鍾人尤多之

浙江圖書館

張勉夫傳

張勗字勉夫吳縣人父以常永樂甲辰進士為河南遂平  
知縣改永平灤州學正勗侍學于灤永樂丁酉中順天府  
鄉試授楊州江都縣學訓導秩滿用薦試上國觀光賦等  
題陞監察御史勗以身許國知無不言嘗出按山西體察  
民隱密封

奏之其言激切有右諫臣之風而不便者媒以他事必欲  
陷勗以死賴

宣廟明聖卒保宥之陞廣西布政司右叅政丁母憂歸未  
幾卒年止四十有九勗氣字剛方閨門之間亦以之為矜

式



浙江圖書館

李邦傑傳

李寓字邦傑華容人宣德壬子鄉貢正統癸卯補都察院  
司務憂歸都御史陳鎰奏奪情起之己陞南京武選員外  
卽出補彰德知府成化初晉山西右叅政致仕寓為人廉  
直敏慎嗜學工書故所居輒為人所重始遊胄監祭酒趙  
琬大學士王文允敬愛之為司務上封十四事內斥選汰  
太宰王直侍郎何文淵項文曜俱深憾之洎守彰德趙諸  
王每出郭禱祠遊獵數百里外寓上封言之  
天子遣內侍逮其冢湯陰王對簿降勅褒獎寓仍寓禁約  
諸王諸王官皆獲重譴已前後獲盜數千咸晉陽人晉陽

人怨寯刺骨湯陰令尚璣者以貪著名寯屢斥責辱之都  
御史賈某受其餽庇焉遣人廉寯過靡所獲寯持益堅人  
率為寯危寯弗顧也後自山西歸卜居黃湖山石田茅屋  
而已足跡不履城市居數載卒

浙江圖



吳孟仁傳

吳惠字孟仁吳縣東洞庭山人初洞庭山未有登進士者  
登進士自惠始選授行人嘗持節使占城涉海七日遇颶  
風同行者倉皇莫措惠神色不變特為文祭禱海神而已  
使還擢桂林知府時義寧峒蠻結湘苗煽亂三司議進兵  
討之惠請宜先招諭乃單車親抵其峒開誠慰撫蠻遂服  
武岡州盜起宣言推義寧峒主為帥義寧蠻畏惠其主自  
出訴武岡盜計遂衰在郡十年陞廣東叅政致仕惠性慨  
慷疏財篤義居官三十年田廬不改其舊家昼日飲酒賦  
詩尤善行草子鳴翰風流俊逸詩文清麗尤精小楷詩成

必親書輒為人持去無稿累困塲屋以吳庠生卒



浙江圖書館

前浙江布政司左叅政林公墓誌銘

楊士奇

前浙江布政使司左叅政林公諱瑜字子潤漳之龍崗人其先出晉拒遠將軍晉安郡王祿之後而居泉之龍潯世業儒宋慶元中有諱起東者始徙龍崗再世至鳳公之高祖也曾祖詔承直郎龍崗縣丞祖宜慶元以明經為南靖縣教諭自出貲作先聖廟不以勤畧考得元季寇亂有保禦功分省承制授長泰縣簿服授百夫長皆以母老辭娶黃氏生五子其五公也自少有志於學洪武中為大學生登太學五年擢五軍斷事中司稽禮又六年陞右斷事公居官以忠愛為本於議獄多所平反數月陞江西按察

司僉事授奉議大夫陞奉政大夫行部過贛有姓殺其伯  
母者獄已具公聽其辭而加察焉實豪民索逋不得擊殺  
之而以賭移於其姓竟坐豪民而釋其姓安福有強盜數  
十人郡縣連歲捕不獲給事中及三司奉詔發兵捕之而  
不急捕盜更听姦民悉取民之富者誣以匿盜非法考掠  
備極楚毒富民不能勝傾重賂乃得釋既又及平民盜以  
是遂逸去而平民不間貧富悉回奉矣 詔者既以罪去  
而公代盜悉得而民若不知者公和厚樂易待物以誠用  
法持平恕臨政務寬簡所至禮賢下士考閱諸生而獎勸  
之歷三考以叡陞本司副使授中順大夫流民聚長沙為

致與袁接境 朝廷命豐城侯總湖廣江西兵擊捕之總  
兵檄公招撫脅從者彗歸焉渠魁既得餘黨復叛公復往  
撫之遂以無事嘗督造戰衣一百萬期三月完如期而集  
又從工部尚書宋公採宮殿材于蜀而公分往馬湖極險  
之地事集而民不病蓋公於使人必酌其力體其勞而善  
撫之初自蜀歸有重獄二十餘人疑未決公立直之又三  
考當公於是居江西二十餘年矣前所未有民耆耄三百  
餘人遮馬首羅拜曰公後德被我民久矣民何以能忘公  
今決去不留其何以慰民之思也相挽公足出一履競取  
之公乃得拍馬馳去以最陞浙江布政使司左叅政浙江

素繁劇時布政使以下員皆闕公至獨任早夜躬勤不少  
懈踰年吏舍夜火延毀公署及文書事聞并逮公詣秋官  
公輒引服不自辨未奉以疾卒永樂二十一年正月朔  
也公在官三十年祿入益厚而自處泊然不加布素時平  
居教子嘗舉汪信民菜根之言曰此立身之要也諸子曰  
務於孝則訓之曰孝以明善誠身而達於用文辭非所急  
也公間為詩文未嘗存稿喜書法晚亦斥去家居有後山  
之勝而仕於外未嘗忘也輒以自號云娶曾氏有懿行子  
男五人嵩高嵩暘森高京暘華高嵩暘先公卒女一人適  
蘇實孫男八人冠冕弁旒纓圭璧組孫女六人於是嵩高

京賜治殮畢將奉柩歸葬以進士王源所述世出事行請銘  
將以納諸窆嗚呼明辯之才機巧之智剛厲之氣非不達  
於世用而卒實之行寬簡之度安靜之政使人稱為忠厚  
長者如林公其可多得哉士音江西之人也知公之所施  
間嘗與公往還又知其所存故不辭而為之銘曰 漳有  
後山孕靈毓清林公溫裕靜貞躋華朝著職時讞議允直  
且卒靡或愆豎大江之西肅肅風紀表其威儀亦篤愷悌  
奕奕浙藩祿位益崇丕贊承宣夙夜惟恭居無幾何鬱攸  
為咎公曰予責敢庇司寇其德孔厚其隱誰曰逝者不復  
知者徒惻故立有藏既堅且深載行勒銘式視來今



浙江圖書館



故中奉大夫山東布政使司右叅政陳君墓誌銘

楊士奇

陳之先五代時大理評事諱揮自金陵徙泰和始為泰和  
人自宋以來子孫蕃盛皆業儒為詩禮鉅族代有士者由  
科目進者六十有一人而至士啟士啟諱雷既以字行遂  
別字震之其曾祖文瑞元瑞金縣儒學訓導祖存道安遠  
縣儒學訓導父煥章號萍翁母蕭氏萍翁四子伯士瞻洪  
武士子鄉貢進士興寧主簿仲士悅叔即士啟季士勗士  
啟髫鬢時已挺時克自樹立甫十歲從學興寧君習詩律  
已文采英發十二習舉子業治易經與朋友論議能自立

說不蹈襲未冠鄉大姓延教家塾前輩與之辨析史傳寡  
所推讓父坐累謫遼東中道喪其從者士啟聞之徒步走  
萬里省侍歲餘置居室及共養百需咸備奉命歸侍母及  
佐士悅理家事時公府徃後悉論產之殷者陳氏產在里  
中甲乙數士啟雖年少兄弟協力一心必不肖墮人後時  
興寧亦坐累謫五開治裝遣人東西寧父兄者常接迹而  
奉母盡孝養既父兄皆代歸無幾父卒終喪永樂元年興  
賢 詔下邑大夫舉士啟遂選中江西鄉試明年中禮部  
會試廷試 賜進士有爭訟郡邑未決而伏馬首以訴者  
從容數語理喻之皆帖服三載考最 賜誥命授中大夫

高煦潛謀不軌稍覺士啟適至清州聞之暮夜馳歸語三  
司同具密奏罪人既得士啟從陽武侯兵部尚書錄其餘  
黨撫安人民遂同御史給事中清理山東諸郡軍籍之弊  
姦者無所容枉者賴以直蓋為人果確為政廉平循理而  
行無所矯拂未嘗務名而所至其民愛之平屋交於兄弟  
睦於親族處人和易愈久而不變宣德六年八月四日卒  
於官春秋六十有六娶康氏子男一祚女長嫁曾貫次嫁  
梁貺祚本土悅子以姪為嗣孫男二敬放祚奉柩歸塋于  
鄉先事請書墓道之碑士啟先妣夫人族姪後余生兩月  
余兩人自非角以學問相親益又仕同朝相好至老如一

日相知深莫如余故勉為之書而係以銘曰

陳出有虞以國為氏轉徙金陵西昌再徙源厚本深派衍  
支分繩繩振振有德有文林峙詩書星羅簪笏科名六十  
震之嗣發石渠天祿纂述校讎人或不足在已則優儀曹  
郎署執勤與敬人或自屈在已用正維東大藩齊魯之邦  
恭贊旬宣直道以行翼翼小心雍容大體吏服其清民受  
其祉歷事

出身凡進士未授官分隸諸司觀政士啟在左軍都督府  
時成國公掌府事得士啟權甚閒暇輒就講論古大臣賢  
將所以事君使人之道士啟亦樂為盡誠禮遇加厚召入

翰林編脩周述言於朝陳士啟才行為有守超擢禮  
部祠祭郎中授奉議大夫寃習典章謹於職事時呂震為  
尚書屬官諂附者率得近尹昌隆不為諂附以罪去之卒  
擗之死同列以是揣揣士啟獨任直道不苟徇或舉尸戒  
之荅曰人各有命吾恭勤於職以聽命耳枉已媚人以求  
容不能也呂雖惡之卒不能害了內艱去服闋還舊職無  
幾陞山東布政司右叅政士啟寬厚愛民於事必盡心而  
襟宇闊達不察察以為明不苛急以責効待下常采其所  
能而舍其小過妖婦唐賽兒惑衆為亂坐失覺逮繁數月  
擇復職數行所部督徭賦不嚴期約民得自便故事集而

不擾青州歲歉郡具饑民之數 上聞 朝廷遣使偕士  
啟如數賑之粟比至而饑民之數倍增使者議再奏俟報  
士啟曰民命在旦夕若再奏俟報旬浹間餒死多矣請發  
奏後即出粟脫有罪請自任不敢以累遂獨具奏 朝廷  
從之所至民三聖以臻全歸於戲震之于宗有輝凡宗之  
榮震之始大世德尚隆來續未艾

明故廣東等處承宣布政使司左叅政劉公墓誌

銘

長州陳頌撰

成化十六年十月壬午廣東左叅政劉公卒于家其孤三人長者年十二

友相與

治其後事以其年十一月壬寅安厝于吳縣仰天山之先塋會謂交公久知之深乃以見

屬惟公為一代名人宜有秉巨筆者為書之苟使

傳後頌何得以蕪陋辭乃考其世系歷官與其業之大略為之誌曰公諱昌字欽謨別號樓園姓劉氏其先河南人宋有諱岳者由祚城徙洛陽元季兵亂避江南屋無錫居

江陰載

晚乃定居吳城西之雁蕩里至今爲吳人曾

祖本道祖夫祐皆隱於廬父公禮南京工部虞衡司主事

母計氏封安人公早以穎秀被選入邑庠即立志不群每

旦升堂退輒掩戶獨坐肄習常業之外博觀群典不求人

知雖同門連業者亦莫測其所造正統九年當大比提學

盧陵孫公首以爲薦同列心疑而口訾之及試京闈高孝

士穀讀其文語諸同事者曰此必山林老孝置之第一暨

徹棘乃一白皙少年耳爲之嘆賞不已於是疑而訾者始

六媿以服明年會試禮部第二 廷對大臣高其文而忌

其直不以進讀擢置第二甲得賜進士出身未幾以疾乞



假南還大肆其力于學造詣益深稱名益著矣景泰二年  
還朝授南京工部虞衡司主事小滿進階承德郎時  
詔選儒臣纂脩宋元史公與刑部主事崑山張和在選中  
後史就寢復舊任陞本司員外郎又陞都水司郎中在部  
工先後凡五年會朝廷復勅憲臣提督學校公與張和  
俱拜按察司副使以行公得河南再考受誥進階中憲大  
夫秩滿河南諸學官諸畝于朝不報擢廣東布政使司  
左叅政勅提督糧儲在廣五年以內報艱婦明繼丁外艱  
服闋以疾彌留竟卒享年五十有七元配楊氏封安人繼  
室錢塘賀氏應天府儒學訓導懋之女亦先卒至是與公

合葬男女七人皆側室生也男曰嘉綰曰嘉緜曰嘉績女  
曰秀整適郡庠生崑山項拱辰曰秀齊適丁文禎曰秀嚴  
適揚紀曰秀肅適許華亭錢氏公聰明過人書一目輒能  
記故博極群書又習聞當朝典章及前輩故實扣之輿  
談不休然性與人寡合不可其意則相對默不出一言有  
侵之者但容受而已不見其校也至閱人詩文未嘗指摘  
其瑕類作為文章才思華瞻言詞爾雅振筆可千百言常  
若有餘裕者詩律尤溫麗可愛海內稱一時作者蓋未嘗  
後公云所著有胥臺稿鳳臺稿金臺稿嵩臺稿越臺稿通  
若干卷所編有中州文表若干卷懸笥瑣探若干卷嘗類

本朝文章如文選文鑑又集洪武以來累科程文之粹  
者以彰一代之盛俱未脫又別有邑志姑蘇志亦未成  
書噫公蚤有文章盛名每思立言以華國卒之不得其地  
故自郎署副使 叅藩省雖位望隆重非其志也平生知  
己為葉文莊與中今吏部侍郎耿公好問累欲有所薦以  
事奪不果此公所為自掉而論人才者不能不於公措也悲  
夫為之銘曰

出類之才天實生之區別在人用各有宜梗柙擣桐馬可  
槩施作室制噐取裁工師倒置枉用繫責之誰匪今乃爾  
從古如斯嗟嗟斯文任不在茲靈光尚存垂耀無涯



浙江圖書館

明亞中大夫福建右叅政陸公墓誌銘

景

成化十五年夏五月二日亞中大夫福建等處承宣布政使司右叅政陸公病于家亟語其二子夔龍曰吾死得劉欽謨參政爲狀而揚惟新學士銘之吾無憾於泉下矣翼日卒將以某年月日葬于其邑紫薇里之丹霞塢夔乃述其治命并欽謨所撰狀授龍俾來請公諱景字孟昭蘇之常熟人曾祖善卿祖士能父公佩以公推恩贈奉直大夫刑部員外郎母徐氏封太宜人公少耽學務詩規溫李步許杜企王孟諸家聲馳吳下或勸之仕乃入學肄經作文輒中槩獲取景泰辛未進士歷刑部主事員外郎郎中仁恕明敏

以文學飾法比常提牢牢重囚皆三木加鐵索而卧之床  
偃仰展轉不得也鼠日夜嚙之血涔涔流公見而惻然輒  
求狸奴十數畜之牢鼠竄伏因德之至死被命按事于河  
南于山西皆一訊得其情議罪咸允還奏稱 旨 在部治  
獄率類是故事三法司常有獄當會奏各擇其屬之尤  
典之公在其選每奏衆推公艸立就皆蔚然成章鮮不嘆  
服居久之陟參福建奉 勅巡海道董兵餉先是有商卒  
郡舶通諸夷遇他舶無問官民皆掠之殺人浮海上如筏  
數歲莫能捕公至即奮然是賊且不制脫倭寇突至將柰  
何遂練兵發艦跡其所在擊擒之併其醜皆伏法戍卒所

屋曰玄鍾營者久而弊兵器亦多朽窳皆為繕葺若新漳  
泉二郡水嚙郭為築堤防捍倉庾諸宿蠹備詢而盡剗之  
閩人服其威惠俄以讒罷歸時甫踰艾壽耆而止公配項  
氏封宜人夔其所出補太倉衛學生龍出側室長女婦德  
州衛指揮同知李雄少女方羈皆側出所著有螢牕秋臺  
閩海雲泉諸稿藏于家公和易闊達有智能精力奉母嘗  
盛饌甘醴命侍兒鳴箏琵琶以侑歡友二弟皆為輸粟取  
散官榮之與人一見輒如故泛愛善譚所識列侯貴戚近  
臣游士甚衆迓餞慶吊之禮鮮或失公隙常與游陟詠觴  
以為樂有醜率主之必益以已錢立治具加數倍每歲元

夕率張燈合伎樂燕客動數十人連數夕方已為人扶顛  
起廢周乏拯危常不計事利害貧有無為之殞死無所歸  
者數喪費尤鉅然視其曹無廢事察其家無厚產世用是  
稱之而讒者反以是籍口其鄉先達有握重權者嘗屏人  
與客語時睨戶外恐有耳屬他客莫敢進公直入謂曰明  
公當大公至正以倡百寮何至屏人私語鄉先達赧然無  
以應公飲不能數盃自食無瓊味余嘗延數客于座或傳  
公第有校尉微賊喧其客皆曰盃昭素持廉烏有是有之  
必其館客也問訊果然其鯁而約又若此雖稱者未必盡  
知之余與公同年且同朝夕昔嘆其退今哀其亡也銘



可已乎其詞曰奔逸之馭固亦能範而馳也方逐禽左人  
冒故而遺之有星煜煜本在箕尾之間也久謫人間世天  
取而還之蘭生深林粹而亡也其芳不朽吾得而揚之

浙江圖書館



浙江圖書館

明故亞中大夫山西布政司左叅政樊公墓碑銘

李東陽撰

嗚呼吾先學士公交多天  
下賢俊士數十年來雕謝殆盡  
惟默菴樊公巋然尚存成化丙午冬先公棄諸孤越一年  
而樊公亦卒東陽哀痛荼毒中聞之益張快不能已公子  
楚玉奉布政叅議徐君敬夫狀按察僉事楊君應寧銘因  
其友喬生宗上京師以碑銘請公之銘尚忍為哉公姓樊  
氏諱英字世傑默菴蓋所自號其先臨潼人也考諱斌以  
戍籍府軍前衛居京師生公有奇質受尚書于布政洪公  
弼弼名士士為所造就甚衆公其最者正統丁卯舉順天

鄉試景泰甲戌登進士第拜監察御史凡所建白皆切治  
體巨盜張傑掠真定民甚苦公往捕并其黨禽之通州倉  
宿弊甚劇公舊屋鄰京倉盡得諸弊有所釐革衆咸愕服  
曰勿紹樊御史天順丁丑石亨擅權朝野奪氣公語諸御  
史劾之出知東鹿縣未行而復戊寅巡大同宣府二鎮威  
令大行辛巳巡南城有張剛者橫鄉邑怙權臣門達以自  
庇鄰寡婦富而無子剛謀奪其業訟之官官莫敢直達以  
屬公公不聽竟繩以法達怒啖剛誣告諸不法事逮入詔  
獄達適典獄因文致成之坐除民罷歸成化乙酉  
憲宗皇帝即作諫官論達罪惡因白其所誣陷數人達既

謫祀公復為御史以父憂去服闋再入臺有御史者輿論弗愜公劾而黜之按湖廣風裁益著賦吏有解印去者鄧饑流民肆掠且萬數公會積粟穀為賑貸乃廉渠魁諭以曲直福禍使歸閭井久之遂定都御史羅公麓疏其事以聞己丑擢遼東苑馬寺少卿時馬數耗不滿百公署朋市法越五年四千匹戊戌遷長蘆都轉運監使河間真定饑

上命迂臣出賑官無厚儲公先後出運司銀七萬餘兩佐之活者甚衆丁未擢山西布政司左叅政甫上得末疾適當稽戎籍力疾至平陽徧歷諸縣得戎工脫疾者若干人勸

民出粟若干斛以備賑勞疾篤甚比還司遂弗起十二月  
二十四日也壽六十有二公考封文林郎監察御史妣王  
及配劉皆贈孺人繼妣薛及繼配羅皆封孺人再繼吳葉  
側室呂寔生楚玉李生楚珩女四長適縣孛生馬俊次適  
監察御史王珣餘在室戊申某月某日歸葬于某山公性  
孝友方貴時痛失母養事繼母謹撫弟俊曲盡恩意讀書  
務探隱曠理官事務 奇擿伏以警動群聽蓋其素所獨  
見必出此東陽嘗與聞之問其術笑而弗荅也然為御史  
連斥外馬 事皆瑣瑣若不足用者徊翔四十天下科第  
士皆其後進隨列進秩又弗克大振以死知公者寧不為

天下惜之叅政階為中大夫秩從三品用碑于墓

楚王碑刻焉

曰

偉哉樊公髯

氣虹臺端之

強中有剛腸

如百鍊鋼如

健驅馬蕃于邊

峙嵯成山公

有餘曰此吾粗

西藩巖巖大

于茲民懷吏思

莫我或追公歸

原公

弗刊

浙江圖書館

分類



浙江圖書館



參政陸公傳

陳敏政

公諱容字文量姓陸氏蘇州崑山人元盛時魏周涇陸家  
曰士明者販遼東值兵興客死于福育姻郟徐氏因冒其  
姓福生繼宗々々生裕贈兵部武庫員外郎娶陳氏生公  
公妊時母夢紫衣人以笏擊其首曰當生貴子覺而公生  
厖厚白皙見者以為英物九歲賦詩有奇語十六為學生縣  
大肆力于經史百家至廢寢食而凡擗蒲博奕之戲一不  
挂月葉文莊公亟器之曰范文止公事業不可不勉也舉  
成化丙戌進士第除南京吏部驗封主事始請于朝復  
姓陸氏丁父憂服闋改兵部職才會虜入邊遣將北征

勅公紀功軍中虜退而還進武庫員外郎大臣患京城多盜請遣給事中御史部屬官五十人大索以公總其事公極陳不可事果中格尋進職方郎中時邊報旁牛封事日或四三上凡虜情虛實地里險易兵力分合皆犁然中其肯綮事下三邊之人驚服大抵皆出公手而於沮征安南及罷勦盜賊劉通兩事尤偉有昌佐者京營都指揮故降虜也求叅將雲南一臣璫傳上意令兵部上其名甚急公持不可則召至左順門諭之公曰既出上意命下即是焉用舉為且金齒騰衝外控諸夷要地也佐材力庸下且夷種不可用若今日阿旨異日壞事雖禍及身家阿益

巨璫語塞事乃已他如韋瑛之誅定補效言功不得世襲  
皆自公發之未已幾丁母憂服闋上䟽言太倉兵衛不便  
者八事後之所司復來其尤切要者行天下為著令除武  
選郎中值今上初即位斥戮倖進廢政一新而太監李  
良典御廐為都指揮王欽梁宏乞陞都督得肯矣公上䟽  
極論都督武官極品體勢甚重不宜授無功及非人而良  
等招權恃恩當正典刑仍乞立法以禁將來䟽兩上奪其  
新命士論壯之復上䟽論八事曰儲養台輔曰教導勲戚  
曰愛惜人才曰久任巡撫曰經理京衛曰選練禁兵曰均  
平鈔法曰慎重會謨而除養台輔愛惜人才二事尤剴切

時柄臣疑公侵官且臺諫方為之排遂異已者懼公言動

上將陰中之尚書余公為言吏部得出為浙江右叅  
政距上䟽一月爾公至任復條例兩浙不便者八事多見  
采納於潛民陳乙夫婦乞食夜投宿桐廬山中漁家被殺  
瘞之而婦不死覺有人蹴其脅曰明星至矣何不走訴婦  
自墓隙出遇公長號稱冤盡得其狀漁者論死蘭混鞏憲  
僉懋作頌美之辛亥 聖節入賀復上䟽論漕源利病

不報癸丑大朝罷官者若干人而公亦與焉聞者大駭公  
處之怡然且賦詩道別既歸於所居作成趣菴獨笑亭日  
緇褫野服著書其間文改作先祠落成已屬疾猶強起獻

拜如禮以甲寅七月戊申卒得年五十有九公少師有志  
經濟如典禮部兵刑漕運水利之類罔不究極其本末利  
害手書之冊為施用之具識者以為百不一試也居家孝  
友父為人所坐誣謫戍連者二十四人公陳書上官雷之  
葬母之日塚上廬次及城中屋宇鳥鵲飛集萬數鄉人嗟  
異公子未蕃夫人張氏數勸買妾公曰吾祖宗以來無畜  
妾者不可所著詩文曰式齋稿浙藩稿歸田稿奏議在朝  
曰式齋邇察太倉志別有其署錄水利集問官錄總若干  
卷子一人曰伸舉于鄉嗜問學有行檢克紹其業  
論  
曰公當弘治初伏闕上疏時予方以言者忝國道中得其

稿讀而嘆曰偉哉賈陸之緒論乎然亦未始必其終獲遇也既乃聞其以論薦而出有微意焉蓋出未久而罷且死矣道喪風靡士自晦則笑以為無所取材而擯之稍露一二則又恐其得譽望有進用之漸必誣之使去則以為快足豈獨後世哉若擯于一時而顯于既沒誣于小人而曰于君子固天定也士獨求其無愧而已公雖用不究所享然有建白在朝廷有惠澤在民有著述在學者足以考見矣遇不遇奚病焉

浙

明故大中大夫資治少尹山西等處承宣布政使司右

參政致仕祝公神道碑銘

顯

吳寬撰

祝之先蓋以太祝之官爲氏或曰出黃帝之後以國爲氏春秋時稍見於鄭衛漢有九江祝生宋多名士而江閩最著逮元有曰碧山者自松江來爲海道都漕運萬戶府經歷陞平江路總管英邁有卒塋吳中子九鼎遂著籍長州

九鼎生子潛子潛生景章皆不仕景章生煥文材敏行脩在國初以贖疾不在察舉惟務樹德是生公公諱顯字惟清少有大志以治湯名郡學中爲諸生師然不喜躁進有司屢勸駕輒不行宣德乙卯領鄉薦猶不赴省試正德己未

乃登進士高等時詔大璫察進士中有聲者四人教內書堂  
小豎衍邀公入閣下公初未知其故比至乃將試以詩而公  
留之公不應而出既而選授行在刑科給事中務持大體  
雖受彈劾不肯許人閨門曖昧嘗受 旨密察在京寺觀無  
賜額者有清龍寺極弘麗僧言某巨璫以密旨所達詞色倨慢  
公不聽立請毀之丁郊副附馬都尉石公景封荆氏世子及都  
昌王二妃無幾丁內艱歸適有土木之變

景皇帝詔奪情以都御史起復不奉

詔服除乃復前職尋

陞山西布政司左叅議專督糧儲時大寇之後倉府空竭饑民  
流散而兵輸方殷公晝夜規畫招亾拊存因時立制凡征斂出



內條法委曲不加賦而公私皆給由是廩庫克實

朝廷

久

不他遷

賜誥進階朝請大夫贊治少尹

本司右叅政仍

專糧事如故公以晉俗少文思振以儒

舉禮義興學校無所

不至臨汾陽曲二文廟聖賢望像即金元遺制左衽乃更止之

為文釋奠以謝不虔臯陶祠墓在洪洞其傍近地里傳舍舊

皆以神名各之乃葺墓達祠題曰有虞士師祠而禁止觸犯又

作二賢祠于聞喜以祀裴晉公度趙忠簡公鼎新明道先生

祠于澤州以伊川先生及郝左丞經配廣選俊秀以克生徒下

教周密大意教人與治人不同貴在隨材成就必令條品資質

以為程課庸下者毋強以文辭第使學書讀律異時不失使任止

冠服飾威儀勤察試親為講授諸生稱為祝夫子而不官後  
多成名為顯輔者公吏學精甚律令條例通練如指掌疑  
情滯獄立能剖決而又明慎矜卹每及平反天順丁丑汾州妖  
人作亂僭稱李天王年號天福公聞變飛檄戒守禦嚴備毋  
輕動自戎服馳赴之既至賊就擒纔十六人餘皆脇從而所攀  
援逮千餘人三司皆不敢簡別公曰千人同謀胡不待聚而遽  
發且吾等既不能戢惡而顧又戕善邪不可衆曰然則祗應  
以盜聞耳公曰盜何事以年號為哉罔上規免尤不可也乃  
以十六人為謀反已行上奏得旨一如公議嘗監決崞縣  
囚七人令先詣御史錄之謂已允當公至道守諭諄復中二人

因歎泣更鞫得其寃以語御史御史不從更言公道因脫死公  
移疾以緩之御史來問疾公曰某不忍殺平人病心耳因陳其  
狀御史悟乃論囚減死襄陵某甲贅婿後生子已而甲與妻子  
悉死遺孫鞠于壻迨長爭財交訟二人皆囂悍多歷年所不決  
公至不施鞭撻令各盡其辭公曰吾知之矣壻之專制足以當  
撫孤之義然由孫之鎡基乃始成善賈之功若必欲直於官徒  
廢業耳吾今為若翁定之因令籍其產將程其事力而分歸之  
先焚香呼甲各述壻孫曲直壻遽前拜曰公言是某則非矣孫  
聞之亦躍謂婿曰丈果非邪壻曰非也孫曰丈數年對官司未  
嘗自謂其非今既得明公而云然然某唯欲得此一言耳丈知

其非某獨不知邪因相顧乞罷訟終身不充善談論援經據  
史貫串今古聽者竦服與幼賤鄉人語則莫非孝弟忠信檢  
身利物之事平居動止有常所御器物雖微不苟廢瀕卒遺  
念不忘 朝廷高朗令終信邦國之大老也既卒允明奉葬  
于吳縣之橫山後十年而允明舉于鄉屬者會試京師謁寬  
請銘公墓道之碑推士百行公彛具之而其所長尤在知人  
獎掖後世素志亦以自負寬之在家食時也荷公之知特  
深每過為期待比竊祿于朝別公者逾十年中間僅一歸侍  
公教者不過三四見其體履康勝耳目不衰揮毫談飲不  
殊曩日而子孝孫秀承侍左右加為公慶之以為其情適氣

和宜享上壽迨別去每詢鄉人無異語者而今可不作矣嗚呼  
傷哉允明且示侍御杜君子開之狀少卿李君貞伯之誌書既  
詳矣緬懷今昔不能自默勉復書以歸之俾刻諸石嗟夫天之報  
施每信而羸公之立心行已輔世澤物德學功名則既盛矣享  
有諸福亦不薄矣稽之人質之天无所弗合以是論公亦有以  
達幽明而信久遠矣至於餘慶所鍾寔在嗣續今允明文名甚  
盛他時有所建立則公又有不待斯文而永者矣銘曰  
棉祝公瑚璉之資昔在先朝奮起棄時給事  
廷陞分牧以藩  
維內宣耳目外拊瘡痍既庶既富而復教之廩有穀芻家有  
書詩禮典興行義澤弘施郁々文風鄒魯同歸學既士先材

亦吏師明刑慎獄民不能欺活爾垂死殲厥渠魁胡汝晉人受  
賜維私解組歸田吳山與魏遐壽全終諸福无遺人之云亡繫  
我之思匪獨我思後進之懷公玉汝成心若調饑有施而報在  
此孫枝載掖其立世美永貽令聞不已式視豐碑

浙江圖

張叅政行狀

黃雲

公諱穆字敬之姓張氏世崑山人也曾祖道昇祖文裕父禮母何氏公之先世居吳淞之橫塘自公之父贅何氏始徙居邑婁上公兄弟四人皆有仕才而仕者三人長積以父命從農業資公等學公與仲兄和從張進士經明書而卒業於兄年十九中宣德乙卯鄉試明年會試下第正統己未與兄和並登進士第會試公名在第二 廷試兄各首二甲由是公兄弟文學各隱然動京師傳海內矣兄以疾告歸養公擢工部營繕屯田二司主事俄相繼丁內外艱門人來學者衆公授以經凡得指教者為文有法後皆登科甲為名官間類編先達遺文以傳十三年

服闋改刑部主事公明於法律行之以敬慎仁恕讞議克允  
而剖決無留滯寃之疑隱得白者多頌公德君子稱其平故  
尚書侍郎咸異郎曹禮待之考滿陞署員外郎公雖專刑獄  
而經學之精衆推重之舉同考景泰甲戌會試公閱卷尚理致  
略詞華若鍊金琢玉必務精良旣撤棘而收各定價於公者  
皆青雲器也六年陞郎中階奉政大夫誥贈公考如其官  
母妻封宜人天順改元陞山東按察司副使陞辭英宗睿  
皇帝御文華殿 諭公等以母吐剛如柔母倚偏縱奸有宜  
興革即以疏聞仍賜寶褚若干緡以行公感 上知遇矢  
心秉正擬風紀舉憲度汰去貪墨維持公廉戢強遂善一



道為之肅清其兼理學政士賴甄陶悉就軌範化行鄒魯嘗  
至泰山凌絕頂覽日觀經梁父探秦漢唐宋封禪之迹既而  
訪孫明復石守道之裔孫流落者復其家歲給衣食俾增  
廣儒學若伯夷閔子孔北海張文忠狄仁傑祠墓傾圮蕪廢  
復命有司以時脩葺為刻石表志在平儒學官纂脩縣誌  
收華歆為人物公以春秋討亂賊必深絕其黨歆黨漢賊紀  
志不可以訓惟馬周為文皇輔臣為可紀加罪儒學官斥歆而  
進周蓋於名數尤所崇重也督糧儲於遼左悉除去宿弊兵  
食羨足而邊警有備假則登碣石臨右塞望海天萬里以豁  
壯懷發諸賦詠寓懷君戀闕之意歷職山東滿三考成化改元

吏部考最例得止三品以其俟闕久二年八月請 上命權

陞一資三年陞浙江右叅政專清理軍務先是奏軍政者言  
軍曾補伍久無明文勾補者恐遂致迷匿失伍例解丁查照  
闕則就收補而涉歷阻脩多死於道路公一以移文行查兵  
民兩便寧違例不顧也公掌司事考覈諸司官凡評隲才職  
之稱否無濫與輕黜焉淳安曹先生某公其所取士也曹墓  
在萬里山中躬往祭之嘉興朱先生冕教諭崑山公實出  
門下為經紀後四進表朝於京師今吏部尚書致士曹南  
李公秉稔知公山東之政有意薦公都憲臺時大理寺鄉  
王槩謀代李公位今給事中蕭彥章劾奏李公不職事彥

章槩之壻也公舊與前威寧伯王越同僚嘗賦詩譏其奔  
走權門至以郭尖比之越街公甚陰讚公於李文達公謂  
公欲 奏易其壻衍聖公文達公弗察也故南京刑部尚  
書劉公亦言於葉文莊公曰敬之好直不掩人瑕玷至品量  
篇翰亦然然公竟以直致謗文達公與國政公李尚書奏中  
郎解官歸幾無以為生業故人門生知公素廉介而能貧相與  
奉金為公壽始葺先人弊廬買田淞江之滸躬畊作始足  
計與鄉曲諸縉紳為斯文嘉會居閑處寂觀書自適非  
有疾赴宴會手不釋卷公厚於倫理先業以讓其兄仲兄卒  
官憲副事寡嫂以禮季弟种為濮州判官亦卒恤其孤申

甫俾勉於學後進有文而制行之美者必加接引延譽於人  
人公既歸齊魯之士入官及卒業曾監領鄉薦者凡經吳  
郡必至崑拜公床下公博學無所不窺為文平順典雅詩則  
清新婉麗有唐諸才子之風一時以詩文來請者屢相接也  
所著勿齋集二十卷藏於家勿齋公之號也其生永樂乙未  
十二月念五日卒成化丁未三月念五日壽七十有三娶周氏  
鄭府長史璵之女側室鄒氏子卒甫以卒之冬十二月某日  
葬於橫塘之原平甫娶武安知縣鍾浩女女二適吳縣顧禧  
江陰薛章憲其侄安甫會試禮部不知公之卒也歸而哭  
之慟同其長兄進賢教諭寅甫卒平甫拜雲徵為狀雲知

於公公待以忘年所以許與獎借者無所不至四十無聞不  
學將落負公之知愧無文以發公之盛美矧先君舊從憲  
副公游而季弟霖又憲副贅壻公無恙時以平甫為託寤  
寐思公圖報無由也茲屬雲以紀載公之事行圖推不朽  
又安忍以無文辭謹以所知者述為狀俟君子芟擴為銘

浙江

圖



浙江圖書館

亞中大夫浙江等處承宣布政使司右叅政式齋陸

公墓碑銘

長州吳寬撰

弘治七年七月戊申浙江右叅政致仕陸公以疾卒于家  
明年十二月庚申塋于太倉陳門塘先塋初公疾革已不  
能言若有所屬其子者於其子仲以治命泣請銘其墓上  
之碑惟予與公同朝二十年相知實深每重公才操當大  
用于時一旦顧以浮議而去則公不平之氣亦宜假此如  
發然此亦可足為公重輕哉是宜置之不足道也公諱容字  
文量姓陸氏先亡母徐氏至公始復未生其母夢紫衣人以笏  
其首曰當生貴子已而得公弱歲穎敏篤學游鄉校不專治率

子業曰取諸經史子程誦不輒同輩謂非所急曰聊以抵諸君  
戲耳獨與故翰林修撰張亨父太常少卿陸鼎儀友善三  
人俱以文行聞於鄉而公尤爲葉文莊公所知天順三年中應  
天鄉試成化二年登進士第授南京吏部驗封司主事丁外艱  
服除兵部職方司擢武庫司員外郎再擢職方司郎中丁內艱  
服改武選司遂陞右叅政致仕卒年五十九公在兵部勤於事  
邊報或急奏䟽日三四上動輒數千言皆出公手而慮遠持  
正士論歸之西域賈胡進獅子至陝西嘉峪關奏乞大臣率  
軍士往迎公言于尚書外夷以奇獸進朝廷既不能却若  
復往迎之寧不貽笑天下後亡耶議上遂已又安南累歲



侵擾隣邦有欲加兵者公言安南臣服中國已久今事大之禮不虧叛逆之形未見一旦以兵加之恐遺禍不細其事亦已錦衣百戶常瑛凶悍附勢得罪調宣府謀再用指良民妖言為公言于尚書具疏請下法司鞠之瑛竟坐誅而被誣者十餘人皆獲釋京師稱快先時捕妖言者多陞官例得亡襲愚民被誣死者無數公請除其例獄遂衰都指揮昌佐求為金齒騰衝叅將公執不可俄中貴人臺公至內諭旨公言西南夷要地必得堪為將者守禦佐非其人若順成之異日壞事谷將誰執佐計竟沮他日復有中貴人舉都指揮二人為都督僉事者命已下公益不可言都督大官必積功始得彼何人而

欲亂法助舉者市恩專擅尤宜置之于法以為後戒疏凡再  
上言甚切直上從之一時雖曲宥其人而自後犯者必罪着為  
令他所違白若論馬政四事論除養臺輔教道勲戚愛惜人  
才久任巡撫經理京衛選練禁兵均平鈞法慎重會議又八  
事及在浙江益究察民穩振作士風行縣至桐廬日嘗發漁  
家兄弟殺於潛丐者夫婦事人傳以為神明之政為旣乃條  
列浙中便宜十事悉見施行間因公務入京又論漕渠利病語  
斥權貴沮事有人所不敢言者益公少即有志天下如兵行刑  
水利之類有所得輒手書之冊後多見於用云公事父母甚  
孝父病躬奉湯藥不離左右者累月嘗夜醉歸母不樂自是

飲必半盃不敢至醉其居喪盡禮三年不入私室人未嘗見其  
嘻笑治家嚴肅動容愷重若不可親狎至與人處歡然也性  
喜聚書政事之餘手不釋卷見於著述率明切平實為詩  
文凡若干卷外記錄諸書又若干卷陸氏為蘇之崑山人公  
之曾祖諱福祖諱繼宗皆不仕父諱以裕公貴累贈奉直大  
夫兵部武庫司員外郎妣陳氏累封太宜人配張氏河間府  
通判深之女弟封宜人子男一人即伸鄉貢進士女二人長適  
太倉衛指揮使張漢次適鎮海衛指揮使武勳皆封淑人孫  
男二人復陽游陽女一人銘曰瞻彼崑山韞茲良玉玉匪可  
貴人秀而毓有美陸曰哲而豐少則有志誓終其躬統師籌

邊惟大司馬我佐有勞操縱用舍朝有成憲檢人安下以身障  
之我力桓桓力所可為夷險一視何以國之有弊事手削草  
疏觀者駭焉我職在是位卑亦言彼愚不知指為沽直知者  
與知則為盡職為上為德不寧推斯出叅政事惠澤益施  
未究厥才歸歟則速逍遙海濱進退不谷白日自顧吾身  
獨全全而歸之暝于九泉

命去居數月福等各行千金求變初約且曰已告夫二子者  
公曰吾即受此緣此死者又不知幾千百人吾雖貧以老如  
子孫何謀者乃寢竟弭其亂初安南長官那代攻破蒙自  
虜其令祿卿之族負固垂二紀歷數守巡毋敢議者公至則  
濬塹增陴調餼練兵建旗鼓申號令若將征之者代懼請歸  
祿卿之妻若其屬口乞緩師以圖新由是威震六詔巨璫崔  
安附瑾作威且忌公功語次微有譏犯公盛氣力辯聲色俱  
厲安乃媿屈連呼鍤漢吏民因稱鍤漢公云此致仕垂橐而  
歸觀者泣歎謂三原公後無此廉節也公雅善吟咏晚年  
屏屋詩益雋永遺稿藏于家正德壬申孟冬四日卒享年七

十有三丁丑季冬某日塋于高村讀書岡之原公三娶羅氏  
陳氏贈宜人最後張氏婦道母道宗廟式焉子男八長學箕次  
季裘龍溪博士學矩鶴齡季準俱鄉進士近年省元鶴樓學  
周俱庠生女五俱士人妻孫男十二濟潛沂淮沐潞注涑汴潛  
泓澍惟衷世出于汴於公為同姓公奉先太淑人為表姑又得拜  
公為兄公歿時衷方奔走四方而訃不及正德戊寅以廣西叅  
政將赴都下便道省墓學裘捧狀來白曰先君歿踰六年而  
銘尚缺者以待吾叔之言而瞑也予受狀挾之而北途次屬稿  
比至直河遇寇而稿燬往來于懷者又忽々十數年嘉靖壬  
辰學準近年復申前諾乃飲泣銘之以識予媿銘曰英英

櫟坡華系次公溫乎玉表內也正中司務司封大政是禪江右  
滇南功樹德施群牒指揮老吏屏息人乃才忌同異心跡萬  
石慎脩隱之廟守公祿三品居無一畝自公家食白石清  
泉惟文惟酒賓友周旋仁者不富公則已矣大德必後視  
公孫子

浙江圖



浙江圖書館



福建布政司左叅政姜公墓誌銘

公姜姓諱昂字恒頰生而端重介特不苟言笑數歲刻礪  
讀書成化辛酉占應天鄉試明年登進士第出知棗強一  
意愛民凡所決遣皆自以不寃門无呵卒獄無滯囚三年  
召試監察御史時方士李孜省得幸公率同列疏論之  
命杖於午門外以親老乞改南京河南道出理福建戎籍  
擢知河南府值歲大旱公至則雨随之洛人抃舞每晨吏  
白事退終日閉閣觀書鞭箠懸不用時母夫人年八十以  
懷土屬疾疏乞近郡便養不許疏復再上三上至乞降府  
佐或教授它日除邊遠自効乃改知寧波寧波聞公至同

官皆減去輿馬華飾俳優雜劇不一陳於前日本入貢過  
郡望公迎戢六年復以母老歸養進福建布政司左叅政  
不起且上疏乞終養母卒服闋部使者奏起之而公以某  
年月日卒某年月日葬郡城之官山公於取予尤不苟在  
官日買肉少許奉母自食蔬菜子弟孝書不得用官紙筆  
非歲首未嘗燕客不受人饋貽亦未嘗媿貽於人權要請  
託一切報罷以是人不多悅而亦不能毀也姜故汴人扈  
宋南渡家崇明之西沙元時徙崑山之惠安鄉今為太倉  
州人高祖諱仲和元海運千戶曾祖諱源祖諱麓考諱敏  
贈文林郎南京河南道監察御史母曹氏封太孺人子男

二長龍中應天甲子鄉試次淮女三孫男一女二銘曰  
抑々姜侯維行之揭矚然不緇為彼玉璽 皇假近  
郡汝其予守色養以終萬鍾奚有東海洋洋終卧不起於  
手姜侯可謂君子

浙江圖書館

浙江圖書館



浙江圖書館

明故大中大夫山東布政司左叅政張公墓誌銘

王九思

公指館時其子之槩不幸先卒之槩之妻太史武功康先生女也子生光孝甫八歲更無期功之親于是康先生自許為公銘其墓逾數月塋有期矣會康先生疾病不果銘逾十數年康先生亦卒至是光孝成立大懼銘闕無以昭先德詔來裔而公之歷履無稔知者謂予與公同舉進士粗知其槩乃以請焉而為之述曰公諱濬字用昭其自謂曰東谷其先河南太康縣人也乃以徭戍隸籍陝西岷州衛曾祖諱文信贈右副都御史祖諱善封右副都御史父諱錦官至刑

部尚左侍郎侍郎公後徙秦州公復徙華州定居焉乃今  
為華州人母淑人劉氏生五男子而公為長生而穎秀清  
瑩如玉甫八九歲能日記數千言口占詩對應答如流稍  
長弄筆為文輒吐奇語侍郎公送之學士西涯李公所從  
受尚書李公奇之甚蓋嘗語人曰諱退之驚怪張童子不  
易得也乃今復有張童子也成化丙午秋公十有五歲矣  
西赴鄉試不偶乃益淬礪自負不凡弘治壬子遂菴揚公  
督學閩中徧試諸生謂閩中有三才子蓋慶揚李獻吉洵  
陽張世其一公也其年秋三人同舉而獻吉發解云公再試  
禮部而丙辰春自禮部入對大廷俱在高第其年冬授戶

部山東司主事出納錢穀關節不通剔抉弊蠹祁寒暑雨  
無少懈惰部尚書稱其廉能秩滿三載吏部考其績上上  
未幾擢員外郎辛酉侍郎公告終公解官歸葬三年之喪  
畢改禮部儀制司員外郎正德丙寅 天子新即位將

幸太學例遣官往召衍聖公及孔顏孟三氏子孫會太學  
觀禮禮部以公應命乃獲遊闕里觀孔林登太山以望東  
海為平生之大快云未幾擢精膳司郎中凡朝廷大宴會  
及宴勞四夷經畫節制禮無廢闕費絕侵漁是時劉瑾用  
事公深用避匿踪跡不通或謂公曰公鄉人也不往且有禍  
公笑而不荅其卓立如此己巳冬擢廣平府知府廣平附

畿內四三年來權奸肆害民不堪命乃畿內盜起流劫郡邑  
不可撲滅公多方捍禦郡中賴以無事既乃按行屬邑撫  
循安輯之省其財力均其徭賦黜舞文之吏清久滯之獄申  
庠序之教興禮讓之俗郡邑熙然治矣逾五年癸酉超擢  
山東左叅政是時工部尚書無錫秦公為布政使與公皆  
名士也相得甚歡凡旬宣督餉之務相與諮議而後行人  
冀其大有為也乃明年甲戌考察庶官有怨公者興萋菲  
之讚公聞命浩然西歸曰自求無歎而已又明年乙亥太  
淑人卒秦州公竭力營葬三年喪畢始徙華州居之公風  
流醞籍人也善吟咏善書華州山水佳勝足以自娛又常



往來武功與康先生游對客命酒談論古今時出雅謔聽者灑然如臨皓月沐清風鄙吝頓消弗自覺也公配安人東氏先公四年卒有女行其葬也予為銘其墓子之槩庸其母之早逝結廬墓側夕哭或勸之乃愈益哭之慟竟由此病而嘉靖丙戌正月乃卒叅政公推一子乃一旦至是又見其孫少哭泣抑鬱踰數月遂不起蓋是年六月某日也距生成化壬辰某月某日壽五十有五歲以卒之年某月某日合葬東安人少華山下新塋張氏之先譜逸莫可遐考必其積德累善爰歷年所是以有司冠公司冠公博大誠撲歷事

兩朝為時碩輔而叅政公嗣之而興其所樹立又焯焯如此之

槩弱冠舉鄉試至孝成德有司聞奏

天子下詔表厥宅里

然其抱負歛而未施食其報者光孝也光孝今二十四歲矣為州孝生受尚書有名前督學者以狀元目之謂其才性類厥外祖人皆以為然其兒豐厚奇偉遠到之器也光張氏之業以叔厥考之功斷可必矣又已生子三歲曰文兒為叅政公曾孫云其銘曰司寇維父崛起西土公繩其武繩武不芴名德益熾維公子嗣公子矯矯哭母而天迺貽光孝光孝孔室宜祿宜壽克昌爾後爾後秩秩思續令德我鐸銘是繹

至則摧豪惠良去叢蠹如振秋槁郡縣糧目素繁且襍若  
完若負不稽簿領肆口指陳無一棼謬又妙通笑法目量羸縮  
不假籌計奸吏屏伏糧政大行寧庶人陰蓄異志禮多僭擬  
官僚朝見類贊叩頭公惟伏不動俟贊畢而興識者曰是不跪  
東廠肯為藩邸叩首邪祿米折價溢數而橫取公執不可庶人  
大怒遺賓李某動以危言曰殿下且奏奏下即布改泮通判  
某斬矣公徐曰第斬吾一人足矣何冤彼邪其議竟沮至如  
辯豪僧之誣訟過允運之侵暴上下韙焉居八年撫臺林公  
見素薦之巡察若喬若周若王薦之以無內援未果遷值逆  
瑾亂政裁奉制官公在裁列士民攀泣且欲䟽乞留公輕舟

徑去既而江西糧務日散朝議以舊職起公復領其事未至  
擢雲南左叅政所管納樓茶甸長官死妻沙福代與夫弟普  
顯治兵相攻積數年死者甚衆撫鎮屢遣屬僚撫諭竟莫能  
平公議非藩臬重職恐未有濟乃偕僉司都閫以往比至境  
福顯皆盛兵自備公若不聞也者據館即召二桀反復詰讓  
盡得其情乃執通把數輩將撻之操兵者望風奔潰公度其已  
困釋之曰日暮且休矣遲明俱來吾有戒約詰旦二桀皆束  
身伏庭下聽

明臣中大夫雲南左叅政黃公墓碑銘

碑

黃衷撰

朗溪之黃六大宗中派自汴梁宋靖康之季避亂南海是為朗溪之始公諱皞字時雍櫟坡其別號也曾大父宗善沈毅有略後山之亂以計干主將脫良民於兵者數千時謂黃氏德基矣大父慶父超贈奉直大夫吏部驗封員外郎妣鍾贈宜人公雋爽弱不好弄嘗坐曹役群兒若官府者長老目之曰黃家偉噐也甫及志學嶄然出師右年二十六領成化乙酉鄉薦卒業大學益博綜群籍以書授徒凡得其旨要者卒為名士然屢屈於禮闈始謁選天曹太宰置其文第一授吏

部司務升司員外郎時東廠權燄特盛曹署請謁必跽歲暮  
饋曆公次當往比見長揖而已雲南總兵沐崑請嗣黔國公  
公按其世宜襲西平侯執奏至再朝廷以舊恩遠鎮特與世  
公爵故事子通朝籍父為外小吏雖以罪廢尤冒貶封公奏革  
之由是士人始知恩典之重尋拜江西左叅議奉制督儲入辭  
冢宰屠公屠曰江西大藩錢穀弊集是以付卿公對曰徃復  
厥官安敢不力如後有謂皞才智弗給即皆可信若謂貪幸  
見察耳屠曰嘻豈有是哉虎變鶩翔英英洋洋後有大昌

平

名番人夜持玳瑁竒香各十餘斤餽公斥之出旦聲其事  
遂寢公雖歷三部階五品然僦屋而居競如少特出則  
一瘦馬青布袍耳僮日出拾馬通淑人李雜諸薪水爨之  
故自為郎官識者業以台輔期之矣先是星變求言公與  
餘干蘇章同奏豎闔干政妖僧蠱惑授芘檢士竄逐忠良  
所致又言兵部尚書王恕今之伊傳不宜置之南京奏入  
不報而他言者或頗及宮禁秘密上為之怒於是書  
言者六十人姓故能芻豢蔬糲文錦布緼輪奐蓬茅器無  
飾銀服無裁綺家居檢書課農灌溉花竹年踰八十則日  
焚香靜坐精神內瑩聰明長存出入不杖卒之日顏面猶

生也雖尺畀之遐如報公者然祿位未極議者每有蒼生  
之憾斯非命而何耶嗚呼傷哉公生子三長南祭酒也次  
鉉次釵女亦三長適丁璽千戶次適賈澤次適張吉俱學  
生孫子四適舉人次汲次涌次泮女六長聘樊剛錦衣指  
揮次適劉仁學生次適李世隆次適張宗茂學生餘尚幼  
曾孫子一士桌女一公卒之明年月日葬鹿澗之兆與李  
淑人合淑人先公六年卒業自有志刻石銘曰積之豐用  
之嗇中折其翼井溲終日象賢肖德有瑗有寔妥公茲域  
聚靈發祥



明故中奉大夫四川右叅政崔公墓誌銘

嘉靖五年十一月廿六日中奉大夫四川右叅政崔公卒于家年八十有八歲矣先是其子南祭酒銑抗疏求致仕歸是故公之終所事無憾焉君子謂祭酒能子矣公諱陞字廷進號南郭學者稱南郭先生其先樂安人也有諱大者生彥和彥和生剛趙庫大使後累贈中憲大夫延安知府大使娶于蔡後贈恭人以正統十四年十二月十四日生公于安陽乃後遂藉安陽公童時會父失官貧兄五四各出自營獨次兄父母居日一食然猶糲也而公於書顧益攻父之梓母蔡憐之泣謂曰兒從兄賈不易效邪公弗

聽顧愈益攻書年廿六李給事中者見之異焉遂女以女  
後封淑人明年為成化乙酉公舉于鄉己丑登進士第拜  
都水主事改武選以父優起改主客又以母憂起武選擢  
職方員外郎出知延安府陟叅政別歷中外凡三十餘年  
公既以蓬華力致青雲巨才洪識遠越倫輩而冰蘖奮勵  
無殊寒約遂能輝前裕後慶流于子孫至今相人訓學誨  
德必曰不見南郭公少時貧邠今人凡少貧至貴顯必婪  
而公主客時番人有踰請者業賂鈞樞者許之矣日趣上  
議而公執弗僉

山東左叅政石厓熊公墓誌銘

撰

公名桂字世芳南昌之新建人也弘治戊午以書經舉於鄉己未春會試中式登倫文敘榜進士明年以父喪去服除授大理寺左評事尋陞寺副寺止

武宗初太監劉瑾用事以竣法繩下嘗倚詔條凡藏匿軍丁罪及隣佑五六家以肆羅織部屬承望風旨誣累常百數十人公建言詔令權宜惟一時可行祖宗成憲

則百世當守乞母輕變枉致冤濫上是之由是得免者以萬計屠都御史欲殺一指揮非其罪公駁回五六次將聞于上乃止瑾逆謀敗露黨與洵大臣慮有變促成獄

法司多出入瑾門下者不無觀望駭愕失措莫敢先發公  
毅然承之不終夕成招盡得奸逆之情其外應凶焰如宸  
濠亦不肯以親王少諱也嘗治安化王獄其夜不收三千  
人擬同謀併坐家口公同謀幾事也株連三千人且及家  
口慘矣力與辨明所活不下萬人任凡六載巨細情務在  
平反蓋不惟其權勢推其法也大率類此庚午陞徽州府  
知府在直隸號劇郡民剛好閭其性然也公下車一以安養  
休息爲己任期年而政通乃節縮浮費修橋梁興學校表  
忠節旌教化倦倦焉姚源鄰寇流劫婺源界公焦勞于外  
多方禽禦微得安堵實籍藩捍治績燁然遂最東南諸

郡嘗訪得晦翁紫陽書院舊址乃復于釋氏掄士學文行  
優異生員唐臯鄭佐胡宗明鄭遠程旦戴鍊黃訓輩八十  
餘人講道其中資以俸餘又買田千餘畝給祭祀及來孝  
者為久遠計事在贈言錄及紫陽集中 國朝守令不

握兵官軍又不得擅調止統間設民壯為守城計迄于成化  
又增添之地方有警則徵發捕邏而有司驅迫又有不可  
勝言者徼民甚苦之不肯就役公為審丁糧定額後法至  
今稱便時冗食日增內供白糧出蘇松常者勢不能給諂  
諛聚歛之臣飛泐於徼又方新 乾清宮取材於徼當浙  
之半公委曲白上司至於涕泣得減其半以蘇民困任甫

三載屢下詔書旌其賢能進秩中憲大夫推恩父母皆特  
貤封滿六年丙子陞山東叅政徼民不忍其公境上咸樹  
碑以志思慕主山東分守東兗道一夕河決泛曹州兵備  
吳副使忽驚斃公晝夜馳數百里往視之水勢甚暴乃齋  
沐臨河祭告黜貪酷官吏數人水遂少定得築塞之嘗謂  
闕里恠祭器不稱王祀度所費可千金會民有發地窖得  
錢數百斗來報計之適足用遂命工鑄造規制乃備戊寅  
督運至京師貴人歲常包攬利入本色以便侵漁公力言  
于上得納輕齋費不下數萬山東人咸頌之未幾奔太  
恭人喪宸濠憾公作劉瑾招狀發其陰謀韋公去位遺賊

悉焚其居第公處之裕如也歲辛巳六月十日以疾卒於家  
距所生甲申正月十三日享年五十有八嘉靖建元年壬  
午正月八日卜葬伍諫鄉四十一都一畝樵舍蘭木橋辛山  
乙向明年公弟折具公狀請銘按狀公高祖佐曾祖仕周  
祖彥衡俱隱德不仕父仁仙以公貴累贈文林郎大理寺  
左評事中憲大夫徽州府知府母陶氏累封太孺人太恭  
人配秦氏屢封至恭人公祀先極敬事親極孝兄弟八人  
三母所生公處之如一屋家善施而不伐初不以盈歉為  
念也子男四長炳國子生次烺次烈俱縣學生幼爨女四  
長適樊疇次徐公溥二尚幼孫男二曰穀曰增孫女三公神

氣秀發狀貌豐偉學見本領故剛大之氣經濟之才雖甚  
韜襲終莫能自悔也惜乎未躋大位而不盡見其設施豈  
數果有短長耶抑世道之有升降人固莫知其也公在大  
理有駁稿在徽有治徽大略及平生奏疏校公為立帖籍  
畀之皆感泣而去絳有武斷於鄉者誣一人數不勝公廉  
得之會巡至惡子又誣以死公召屬吏父老謂曰斯人之  
寃不難雪吾恐其雪寃之後更受陰害耳吾今為處之因  
論徙民於他地而置惡子於邊徼莫不稱善其他政類此  
不尽殫紀凡周巡道里之間往駐車返問民瘼封部多  
名山大川及右聖賢宅里祠墓遇輒登臨謁眺賞弔吟賦



風流粲然居大參又七年年甫六十遂疏請歸田一特者  
俊勝集若徐武功有貞劉僉憲班杜東原瓊輩日相過從  
游衍高風雅韻輝映鄉邦歷二十年而公最後乃卒時為  
成化癸卯十二月戊子享年七十有九公在給舍藩省皆  
得推恩其親父累贈朝請大夫贊治少尹山西布政司  
左參議母王氏後軍都督府都事士達之女贈恭人配錢  
氏靖安州同知鑑之女鄞縣儒學教諭紳之姪女封恭人  
子男一人曰獻即武功之子壻也女三人皆嫁宦室孫男  
一人曰續縣學生女一人公平生篤於人倫兄設嫂寡買  
田養之錢氏無嗣命室閨無媵妾庭无諱言作為詩文

體尚風雅而理致典厚所著有歲脩登庸旬宣歸田諸藁  
別號侗軒通爲侗軒集若干卷詩文若干卷藏于家公之  
瑩石厓山在西山盡處人謂土厚水深必產異人公亦克  
自負荷因號石厓先生諸所著述號石厓集云銘曰  
紫陽湮蕪公來作人闕里蘧豆公來一新心苟在道於政  
何有宜公所至嘉績丕茂德則士歌惠則民懷亦有謗言  
故其所哉孔云有聞庶可以死蘭木之阿公永寧只



浙江圖書館



浙江圖書館



浙江圖書館

浙江圖書館善本


甲 登記號：006673

一九 年 月 日



浙江圖書館

colorchecker CLASSIC



xrite



